

**Namminersorlutik Oqartussat sanaartornermut aningaasaliuttagaasa kommuninut
ingerlatassanngorlugit tunniunneqannginnerini sanaartornermut inatsisit
ataatsimoortut naammassineqarsimanissaat atuutsinneqalersimanissaallu
siunertaralugu sanaartornermut inatsisissatut siunnersuummik ataatsimoortumik
saqqummiussinissaq siunertaralugu Naalakkersuisut sulissuteqaqqullugit Inatsisartut
aalajangiiffigisassaattut siunnersuut**

(ATASSUTIP Inatsisartuni ilaasortaataitai: Finn Karlsen, Siverth K. Heilmann, Knud
Kristiansen)

pillugu

Ineqarnermut Attaveqarnermullu Ataatsimiititaliap

ISUMALIUTISSIISSUTAA

Inatsisissatut siunnersuutip aappassaaneerpeqarnerani saqqummiunneqartoq

Ataatsimiititaliaq suliarinninnermini makkuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq
Inatsisartunut ilaasortaq Aqqaluaq B. Egede, Inuit Ataqtigiit
Inatsisartunut ilaasortaq Debora Kleist, Inuit Ataqtigiit
Inatsisartunut ilaasortaq Kim Kielsen, Siumut
Inatsisartunut ilaasortaq Akitsinnuaq Olsen, Siumut

Siullermeerinerup kingorna siunnersuut ataatsimiititaliap peqqissaartumik naliliivigaa imaat-
tumillu oqaaseqaateqarniarluni:

Siunnersuutip tunuliaqutaa imarisaalu

Sanaartornerup kommuninut tunniunneqarnerata eqqarsaatigilluarneqarsimanissaa, suliarillu-
arneqarsimanissaa piffissaalluartillugulu pilersaarusionerqarnissaa siunnersuuteqartut kissaati-
gaat. Aaqqissuusseqqinnerit eqqarsaatigilluagaanngitsumik, piareersagaanngitsumik innutta-
sullu akulerutsinnagit aallartinneqaraangata qanoq ajutoortigisoqarsinnaanersoq arlalippassua-
riarluni takuneqartareersoq siunnersuuteqartut isumaqarput.

Taamaattumik sanaartornermut tunngasut kommuninut tunniunneqarnissaannut inatsisinik ataatsimoortunik suliarinnittoqassasoq, taamaalillunilu Namminersorlutik Oqartussat sanaartornermut aningaasaataasa kommuninut ingerlatassanngorlugit tunniunneqannginneranni inatsisit tamarmiusut akuerineqarsimanissaat atuutsinneqalersimanissaallu siunnersuuteqartut siunnersuutikkut matumuunakkut kissaatigaat. Siunnersuummi suliniutissatut nalunaarsorneqarsimasut sanaartornermut tunngasut kommuninut tunniunneqarnissaannut piareersarnermi ilaatinneqarnissaat siunnersuuteqartut isumaqarput.

Siunnersuutip suliarineqarnera

Siullermeerinermi siunnersuut amerlanerussuteqartunit isumaqatigineqanngitsoq ataatsimii-titaliap maluginiarpaa.

Siunnersuummulli tunngavilersuummi pissutsit taaneqartut sanaartornermut tunngasut kommuninut tunniunneqarnissaasa piareersarnerqarnerani ilaatinneqartussatut siunnersuuteqatunit kissaatigineqartut sanaartornermut tunngasut iluini inatsisiliornermik suliaraqinnissamut attuumassuteqarmata isumaqatigiissutigineqarpoq.

Aalajangiiffigisassatut siunnersuut tapersorsorneqassanngitsoq Naalakkersuisunit kaammattuutigineqarpoq. Kommunini sanaartornermut akisussaaffik kommuninik aqutsinermut inatsit naapertorlugu kommunalbestyrelsinut pisortatigoortumik tunniunneqareersoq suliassa qarfirmi Naalakkersuisunut ilaasortap akissuteqaammuni ilaatigut oqaatigaa.

Aningaasanut inatsimmi suliassa qarfirmut 80 – 89-imut Sanaartugassat aamma iluarsaasineq, oqaasertaliussaq nr. 5 Naalakkersuisut aamma innersuussutigaa. Oqaasertaliussamut tassunga nassuiaatini issuagaq imaattoq Naalakkersuisunit innersuussutigineqarpoq: *“Oqaasertaliussakkut pilersaarummut aalajangersimasumut aningaasaliissutinik kommuninut tunniussinissamut Naalakkersuisut periarfissaqalerput. Sanaartugassat sapinngisamik kommuninut ataasiakkaanut tunniunneqartarnissaa Aaqqissuusseqqinnermut Ataatsimiititaliap inassutigaa. Kommunip sanaartugassaq isumagerusuppagu aningaasaliissutit malinnaanissaat naleqqunnerpaassaaq, taamaalilluni kommuni suliap aaqqinneranut tamakkiisumik sunniuteqarlunilu akisussaassammat.”*

Pisortat suliassa qarfiinik aaqqissuusseqqinnissamik Naalakkersuisut suliarinneqqinnissaat pillugu inatsisartut aalajangiiffigisassaattut siunnersuut (UKA 2006/51) 2006-imi ukiakkut ataatsimiinnermi Inatsisartuusimasut oqaluuseraat. Siunnersuummik taassuminnga Inatsisartut oqaluuserinninnerat ilaatigut iluarsartuusseqqinnermut atatillugu aningaasaqarneq pillugu aammalu suliassamik kommuninut tunniussineq pillugu apeqqutit arlallit Naalakkersuisunit nassuiaatigineqarnissaannik kissaateqarnermik kinguneqarpoq. Taamani Naalakkersuisuusut iluarsartuusseqqinnermi suliap killiffia pillugu nassuiaammik 2007-imi martsip qaammataani

saqqummiussa qarput. Suliassat tunniunneqarnissaat pillugu Aaqqissuussa anermut ataatsimiititaliap kaammattuutai amerlanertigut Naalakkersuisunit isumaqatigine qarput. Suliassat ilaat pilertukannernerusumik kommuninut tunniunneqarsinnaasut suliassalli ilaat pisariuallaarnertik annertuallaarnertillugu pissutigalugu aatsaat kingusinnerusukkut tunniunneqarsinnaasut Naalakkersuisut aamma naliliipput. Suliassat isumaginissaannut immikkoortortaminnik ineriartortitsinissamut kommunit piffissamik pisariaqartitaminnik qulakkeerunneqassasut piffissap taamaannerani Naalakkersuisut naliliipput. Assersuutigalugu ineqarnermut tunngasunut atatillugu Aaqqissuussa anermut ataatsimiititaliap kaammattuutaanik malinninnissaminnut Naalakkersuisut piareersimapput, assersuutigalugulu sanaartornermut tunngasunut atatillugu erseqqinnerusumik misissueqqissaarnissaq pisariaqartoq Naalakkersuisut naliliillutik.

Aaqqissuusseqqinnermik suliaaqqinnissamut piffissaq ator neqartussa nassuiaammi tassani Naalakkersuisut saqqummiuppaat. 2008-mi upernaakkut ataatsimiinnermi inatsisissatut siunnersuutini marlunnik Naalakkersuisut saqqummiussiniartut tassani allassimavoq. Inatsisissatut siunnersuutip aappaa kommunini qinersinernut inatsimmut attuumassuteqartussaavoq aappaalu suliassanik akisussaaffinnillu nuussinermi periutsinut inatsimmut attuumassuteqartussaalluni. Tamanna suli pisimangimmat inatsisiliornikkut suliniutit kinguaattoorutaasut taakku suliarineqarnerat nukingiuteqqullugu Naalakkersuisut ataatsimiititaliamit qinnuigineqassapput.

Tamanna tunngavigalugu sanaartornermut tunngasut kommuninut tunniunneqarnissaanni ataatsimoortumik inatsisissanut siunnersuummik suliarinninnissamut siunnersuutikkut matumani pineqartukkut Naalakkersuisut pisussaaffilerneqarnissaat ataatsimiititaliamit kissaatigineqanngilaq tamanna pisortat suliassa qarfiinik aaqqissuusseqqinnissamik Naalakkersuisut suliarinneqqinnissaat pillugu inatsisartut 2006-imi aalajangiineratigut pereermat.

Tamanna tunngavigalugu Inatsisartunut siunnersuut itigartinneqassasoq **ataatsimiititaliamit isumaqatigiittumit inassutigineqarpoq.**

Taama oqaaseqarluni Attaveqarnermut Ineqarnermullu Ataatsimiititaliap inatsisissatut siunnersuut Inatsisartunut aappassaaniigassanngortippaa.

Justus Hansen,
Siulittaasoq
Demokraatit

Aqqaluaq B. Egede,
Inuit Ataqatigiit

Debora Kleist,
Inuit Ataqatigiit

Kim Kielsen,
Siumut

Akitsinnguaq Olsen,
Siumut